



Broj: 03-05-04-31394/23  
Sarajevo, 20.07.2023. godine

KANTON SARAJEVO  
SKUPŠTINA KANTONA SARAJEVO  
n/r Predsjedavajućeg Skupštine Kantona Sarajevo  
Elvedin Okerić

**Predmet: Odgovor na zastupničku inicijativu zastupnice u Skupštini Kantona Sarajevo  
Hašimbegović Marijele, dostavlja se –**

**VEZA: Vaš akt broj: 01-04-24618-57/23 od 27.06.2023 godine**

Na sjednici Skupštine Kantona Sarajevo u okviru tačke dnevnog reda "Poslanička/zastupnička pitanja, inicijative i odgovori", zastupnica u Skupštini Kantona Sarajevo Hašimbegović Marijela, postavila je zastupničku inicijativu Kantonalnoj upravi za inspekcijske poslove Kantona Sarajevo, Ministarstvu pravde i uprave Kantona Sarajevo i Ministarstvu za odgoj i obrazovanje Kantona Sarajevo, koja glasi:

*„Upućujem inicijativu radi dostavljanja informacije o izrečenim kaznama i naloženim mjerama o postupanju Elektrotehničke škole za energetiku u Sarajevu od strane Kantonalne uprave za inspekcijske poslove Kantona Sarajevo za period 2020, 2021, 2022 i tekuće 2023. godine. Od Ministarstvu pravde i uprave Kantona Sarajevo tražim informaciju o broju prijava za djelovanje, upita koji su dostavili školi i odgovora koje su zaprimili, a sve po predmetu o postupanju Elektrotehničke škole za energetiku u Sarajevu. Upućujem inicijativu Ministarstvu za odgoj i obrazovanje Kantona Sarajevo da se izvrše detaljne radnje uvida u netransparentnost konkursne procedure za poziciju direktora škole u Elektrotehničkoj školi za energetiku u Sarajevu. Web stranica škole nije zabilježila aktivnosti po ovom pitanju i trenutno nemate zakonom propisanu informaciju o postupku koji je u tjeku. Tražim da istražite informaciju o otuđenim knjigama protokola iz 2020, 2021, 2022 godine, kao i otuđenju privatne pošte za sindikalnu organizaciju“.*

## ODGOVOR

Ministarstvu pravde i uprave Kantona Sarajevo Upravnom inspektoratu od strane Kantonalne uprave za inspekcijke poslove dostavljena je prijava o nepostupanju direktora Javne ustanove Elektrotehnička škola za energetiku Sarajevo po žalbi Leka Merime, zastupana po punomoćniku, Glamočlija Sunčice, na eventualno nadležno postupanje.



Razmatrajući navode podnesene prijave, te uzimajući u obzir nadležnosti školskog odbora, propisane odredbama člana 143. stav (2) tačka h) Zakona o srednjem obrazovanju Kantona Sarajevo, kojim je propisano, da je školski odbor nadležan za rješavanje po žalbama i prigovorima koji se odnose na rad direktora srednje škole, u smislu člana 65. stav (4) Zakona o upravnom postupku ("Službene novine Federacije Bosne i Hercegovine", br. 2/98, 48/99 i 61/22), uz akt broj: 03-05-04-4383/23 od 20.02.2023. godine, školskom odboru Javne ustanove Elektrotehnička škola za energetiku Sarajevo dostavljena je prijava na znanje i nadležno postupanje.

Ministarstvu pravde i uprave Kantona Sarajevo Upravnom inspektoratu, dana 17.04.2023. godine, dostavljena je prijava radnika Javne ustanove Elektrotehnička škola za energetiku Sarajevo na postupanje direktora Javne ustanove Elektrotehnička škola za energetiku Sarajevo.

Razmatrajući navode podnesene prijave, te uzimajući u obzir nadležnosti školskog odbora, propisane odredbama člana 143. Zakona o srednjem obrazovanju, kojim je propisano, da je školski odbor, između ostalog nadležan, da usmjerava, kontrolira i ocjenjuje rad direktora, u smislu člana 65. stav (4) Zakona o upravnom postupku ("Službene novine Federacije Bosne i Hercegovine", br. 2/98, 48/99 i 61/22), uz akt broj: 03-05-04-12638/23 od 20.04.2023. godine, školskom odboru Javne ustanove Elektrotehnička škola za energetiku Sarajevo dostavljena je prijava na znanje i nadležno postupanje.

Ministarstvu pravde i uprave Kantona Sarajevo Upravnom inspektoratu dostavljen je zahtjev/predstavka za vršenje inspeksijskog nadzora u Javnoj ustanovi Elektrotehnička škola za energetiku Sarajevo na okolnosti vođenja djelovodnika predmeta i akata, u kojem se između ostalog navodi, da se kod vođenja djelovodnika predmeta i akata pod jednim osnovnim (rednim) brojem primljenih ili vlastitih predmeta ili akata, upisuju drugi predmeti ili vlastiti akti različitog sadržaja, ne poštujući hronološki red zavođenja primljenih ili vlastitih predmeta ili akata i na okolnost izrade i upotrebe faksimila direktora škole.

Shodno navodima dostavljene predstavke i ovlaštenjima Upravnog inspektorata propisanih odredbama člana 144. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), kantonalni upravni inspektor Upravnog inspektorata Ministarstva pravde i uprave Kantona Sarajevo je pokrenuo postupak po službenoj dužnosti i dana 10.07.2023. godine izvršio inspeksijski nadzor u Javnoj ustanovi Elektrotehnička škola za energetiku Sarajevo.

U postupku inspeksijskog nadzora konstatovano je činjenično stanje na zapisnik, broj: 03-04-7609 od 10.07.2023. godine, te na osnovu konstatovanog činjeničnog stanja u odnosu na propise kojima se uređuje kancelarijsko poslovanje u Federaciji Bosne i Hercegovine, upravni inspektor Upravnog inspektorata Ministarstva pravde i uprave Kantona Sarajevo na osnovu člana 125 stav (1) tačka 1) i člana 126. stav (1) Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine" broj 35/05), donio je rješenje, broj: 03-05-04-7609/23 od 18.07.2023. godine, kojim su naložene upravne mjere direktoru Javne ustanove Elektrotehnička škola za energetiku Sarajevo, koje glase:

Zabranjuje se direktoru Javne ustanove Elektrotehnička škola za energetiku Sarajevo da kod vođenja djelovodnika predmeta i akata pod jednim osnovnim (rednim) brojem primljenih ili vlastitih predmeta ili akata, upisuje druge predmete ili vlastite akte različitog sadržaja, ne poštujući hronološki red zavođenja primljenih ili vlastitih predmeta ili akata.

Nalaže se direktoru Javne ustanove Elektrotehnička škola za energetiku Sarajevo da djelovodnik predmeta i akata vodi po sistemu osnovnih (rednih) brojeva i podbrojeva koji se zavode po hronološkom redu, počev od broja 1 pa 2, 3 i dalje tim redosljedom, te da se djelovodnik predmeta i akata popunjava



na način objašnjen u uputi datoj u sastavu obrasca broj 5 Pravilnika o kancelarijskom poslovanju u Federaciji Bosne i Hercegovine.

Rok izvršenja: 8 (osam) dana od dana konačnosti rješenja.

U narednom roku od 3 (dana) dana dostaviti upravnom inspektoratu informaciju o postupanju po upravnoj mjeri.

S poštovanjem,

Dostaviti:

1. naslovu;
2. Hašimbegović Marijela  
zastupnica u Skupštini Kantona Sarajevo;
3. Stručna služba Vlade Kantona Sarajevo;
4. a/a.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-083, Fax: + 387 (0) 33 562-241  
Web: <http://mpu.ks.gov.ba>, E-mail: [mpu@mpu.ks.gov.ba](mailto:mpu@mpu.ks.gov.ba)